

Theologia
Conciones



Feol. 4897

Socolovii Stanislawi: Conciones duae: altera
de restituta Ingressuum et altera
de causis excidii Hierosolymitani.

Leopoli. Nicol. Schaefferberg. 1578.

Biblioteka Jagiellońska.



VI. b. 366.



4706

CIMELIA

STANISLAI
SOCOLOVII CON-
CIONATORIS REGII
CONCIONES DVÆ.

Altera de vestitu Hæreticorum, & fructu hereseon.
Altera de causis supremi excidij Hierosolymitani.



LEOPOLI,
Anno Dñi. M. D. LXXVIII,



BIBLIOTH. UNIV.



JACELLONICAR

Cim. Bu. 4706

DE VESTITV ET FRVCTV HÆRE SEON.

E ATTENDITE A FALSIS PROPHETIS, QUI VENIUNT AD VOS IN VESTIMENTIS OVIUM, INTRINSECUS AUTEM SUNT LUPI RAPACES.
MATH. VII.



AUCTOR salutis nostræ CHRISTVS Dominus, nullam rem nobis magis cauendam, maioreq; studio ac diligentia declinandam esse, quàm falsos Prophetas: quos Paulus ac reliqua scriptura Hæreticos appellare solet, summa cautione, & monuit, & docuit semper. Attendite, inquit, à falsis Prophetis, qui veniunt ad vos in vestimentis ouium, intrinsecus aut sunt lupi rapaces. Nusquam scriptum legimus, attendite à Tyrannis, qui vos varijs tormentis, varijs cruciatibus à recta fide constantiq; proposito vestro deterrere conabuntur. Nusquam dictum est, attendite à Iudæis, Gentibusq; qui omnes conatus suos ad vos opprimendos, vestrosq; labores inficiendos relaturi sunt: sed attendite, inquit, à falsis Prophetis. Cuius suæ tam diligentis & exquisitæ curæ, duplicem reddit rationem. Primum propter illorum summam astutiam & calliditatem: qui inquit, veniunt ad vos

A ñ

ad vos

ad vos in vestitu ouium, quod astutæ calliditatis est. Deinde propter summam crudelitatem, intus aut sunt lupi rapaces, quod violentissimæ cuiusdam rapacitatis esse censetur. Etenim, ut eos ipsos scopulos magis declinare solemus, inquit Gregorius Nazianzenus, qui sub aquis tecti delitescunt, quàm eos qui extant & eminent: ita & eos hostes maximè cauendos esse Christus Dominus præmonet: qui sicut latentes scopuli sub aquis, ita illi sub vestimentis ouium occultantur: & qui tum demum se se produnt, cum iam nauis fracta, mercesq; disiectæ sunt. Cùm præsertim, ut inquit Ambrosius, Caput perant, iugulum inuadant, vitalibus vulnus infligant. De quibus illud rectè vsurpari potest. Nolite timere eos qui occidunt corpus, animam autem non possunt occidere. Hos igitur diligentissimè fugiendos esse, salutis ac incolumitatis nostræ amator eximius, Christus Dominus, nunc admonet ac præcauet diligenter. Cuius cautionis cum superiore anno magnam partem explicauerimus, de vestitu tantum ouium, quo falsi Prophetæ tecti ad nos venire solent: ac de fructibus ex quibus dignosci possint, nunc aliquid dicendum erit. Ut ubi eos semel cognoueritis, iam tandem aliquando amare desinatis. Nemo autem hac nostra offendetur Oratione, nisi qui prius se suo iudicio hæreticum esse condemnarit. Cuius nostri propositi initium à diuini numinis inuocatione capiamus,

Inuita Ba
siliij.

Super Lu
cam lib. 2.
cap. 10.

Math. 10.

Attendi-

C Attendite a falsis prophetis, qui ueniunt ad uos in uestimentis ouium, intrinsecus autem sunt lupi rapaces.

Quis igitur hic vestitus ouium? quæ hæc tam mollia & insidiosa vellera, quibus falsi Prophetæ oues Christi decipiunt? Alij aliter iudicant. Quidam orationes, eleemosinas, ieiunia, omnemq; vitæ continentiam, quam æquè boni ac mali simulare possunt, vellera Christi ouium appellare solent. Et re vera, hic vestitus sæper Sanctorum Dei, qui sūt oues Christi, peculiaris fuit. Quidā Ceremonias ecclesiasticas, omnēq; externū cultum, indumenta ouium esse volūt. Alijs omnis ille durior vestitus, quo Heremitæ, quo Monachi, omnes item illi qui asperiorē vitam amplexi sunt vtūtur lana ouium videri solet. Verū nobis de re maximi momenti aliquid magis serium, quodq; cum summa rei melius conueniat, quærendum est. Cuius rei fundamenta indè iaciamus. Omnis Hæreticus, teste Hyeronimo, hypocrita *Hic. in 94* est: aliud agens, aliud simulans. Omnis porro hypo- *Isaie cap.* crita non suo, sed alieno indutus vestitu incedit, qui est virtutis & honestatis, omniūq; eius partiū simulatio. Cum igitur hæreticus quisq; hypocrita sit, duplicem habeat vestitū oportet. Alterum cum alijs hypocritis communem: Alterum qui illi proprius & peculiaris sit. Communis vestitus erit, quod pium, quod honestum, quod cum virtute prima fronte coniunctū apparet; hæc enim omnibus hypocritis sunt cōmunia, in quibus dici

A in

bus dici

bus dici non potest, quantum veteres heretici excessuerunt: quantum ieiunijs, orationi, quantum omni vitæ parsimoniam & continentiam studuerunt. Nunc ut virtute ipsa, ita & omni eius specie ac simulatione hereses carerent. At peculiaris vestitus quis, de quo nobis præsens est institutum? Dum totam Scripturam expendo, dum omnem antiquitatem percurro, dum nostrorum temporum rationem diligenter intueor: non alium hunc vestitum inuenio, quam ipsum Verbum Dei, Sacramque Scripturam, qua omnes errores suos, omnes fraudes, somnia, ineptias, ac deliramenta sua heretici, vestire ac ornare solent. Hoc ita esse, Primum veterum Pseudoprophetarum exemplum docet. Omnes enim illi veteris testamenti falsi Prophetæ, cum aliquid nouum ad populum dicebant: semper illis utebantur verbis, Hæc dicit Dominus: Hæc dicit Dominus: cum se illud dicere Dominus pernegaret. Deinde hoc idem Saluator innuit ad finem huius Euangelij dicens. Non omnis qui dicit mihi Domine Domine intrabit in regnum cælorum, sed qui facit voluntatem Patris mei. Ac si diceret, Non omnis ille qui ingeminat more veteris legis falsorum Prophetarum, Domine Domine intrabit in regnum cælorum, sed qui voluntatem facit Patris mei. Quod Petrus paulò clarius explicat. Quemadmodum, inquit, Paulus frater noster charissimus ostendit in omni Epistolis, in quibus sunt quedam difficilia

2. Petr. 3.

cilia

cilia intellectu, quæ indocti & instabiles deprauant, si-
 cut & cœteras scripturas ad suam ipsorum perniciem.
 Deprauabant autem vel falsa interpretatione, vel ipsi-
 us scripturæ inuersione, quorum nunc plena sunt om-
 nia. Itaq; Diuus Ambrosius hac plena definitione hæ- *Ambrosi-*
 reticos depingit. Hæretici n̄ sunt, qui per verba legis le- *super epia*
 gem impugnant: proprium enim sensum verbis legis *stolam ad*
 astruunt, vt prauitatem mentis suæ legis autoritate cō- *Tit: cap: 34*
 mendent. Sciens enim impietas multum valere auto- *Tom: 3.*
 ritatem legis, fallaciam sub nomine eius componit: vt,
 quia res mala per semetipsam acceptabilis esse nō po-
 test, bono nomine commendetur. Nam cū sciant hæ-
 retici magnam esse Sacræ scripturæ autoritatem, ideo
 hac ipsa errores suos & deliramenta tegunt, suaq; tes-
 timonia minus valida, sacra scripturæ autoritatibus
 allegant. Hæc Ambrosius. Idem ferè Vincentius Liri- *Lirinē*
 nensis, his verbis in libro de Antiquitate Catholica fi- *lib: 1. cap:*
 dei docet. Quid est vestitus ouium? nisi Prophetarū *36.*
 & Apostolorum proloquia, quæ n̄dem quadam syn-
 ceritate, agno illi immaculato, qui tollit peccatum mū-
 di, tanquam vellera quadam texuerunt. Qui sunt lu-
 pi rapaces? nisi sensus hæreticorum feri, & rabidi, qui
 caulas Ecclesiæ semper infestant, & gregē Christi qua-
 qua possunt dilacerant. Sed vt facilius incautis ouibus
 obrepant, manente luporum ferocia, deponūt lupinam
 speciem, & se se diuinæ legis sententijs, velut quibusdā
 velleris

DE VESTITV ET

velleribus obuoluunt: vt cum quisq; lanarum mollicis
em præsenserit, nequaquam aculeos dentium pertimes-
cat. Hæc Lirineñ. Nemo ex veteribus hæreticis, tam
impurus, tam impius: nemo tam absurdus perditusq;
fuit, qui non suum errorem ex his, quas nunc in mani-
bus habemus, confirmaret scripturis. Videre hoc licet
apud Irenæum, Tertulianum, Epiphanium, cæterosq;
qui eorum sententias argumentaq; retulerunt, acerrimeq;
refutarunt. Non contentus erat vno & alio sa-
cræ scripturæ loco ad sua cõfirmanda, Valentinus atq;
Martion: nisi vniuersum nouum Testamentum, om-
nesq; Pauli Epistolas suis accomodarent sententijs: ac
si in opere incrustato & vermiculato, translatis lapila-
lis, ordineq; mutato, ex homine facerēt Vrsum aut Le-
onem: quam similitudinē venustissimè Irenæus contra
Valentinū ante mille trecētos annos his verbis explicat.
Cum igitur talis sit ipsorum doctrina, quam neque
Prophetæ prædicauerunt, neq; Dominus docuit, neq;
Apostoli tradiderunt, quam de vniuersis iactant se plus
alijs cognouisse, ex non scriptis legentes, & quod dici
solet, ex arena funiculos neçtere studentes: ad facien-
dam fidem conantur prædictis adaptare, aut parabolas
dominicas, aut sermones Propheticos, aut dicta Apo-
stolica, quo figmentum ipsorum non testibus carere vi-
deatur, ordinem & seriem scripturarum transilientes, &
quantum in ipsis est mēbra veritatis soluentes. Trans-
ferunt

*Irenæus
lib. 1. ca.
1. contra
hæreses.*

FRUCTV HAERESION.

ferunt enim & transformant, & aliud ex alio facientes, multos decipiunt per malè compositam Dominicorum verborum adaptatorum sapientiam. Quemadmodum si quis regiae imaginis pulchrae, ex preciosis lapidibus fabricatae à sapiente artifice, subiectam hominis formam soluat, & lapillos illos transferat & accommodet, ac faciat formam canis aut vulpeculae, atq; hanc malè fabricatam. Deinde praescribat ac dicat, hanc esse regis imaginem illam pulchram, quam sapiens artifex fabricauit, ostendens lapillos illos à primo artifice probè in regis imaginem compositos, verum malè à posteriore in canis formam translatos: & per lapillorum apparentiam seducat imperitiores, qui regiae formae notionem non habent: & persuadeat, quod haec putrida vulpeculae forma sit pulchra illa regis imago. Ad eundem sanè modum etiam hi anicularum fabulas consuentes, deinde verba & dictiones & parabolas vndecumq; detrahentes, ad aptare volūt fabulamētis suis eloquia Dei, hęc Irenaeus. In finitis locis scripturae, minorem filium Patre iactitabat se demonstrare Arrius: Nestorius sacram Scripturam se primum, & solum intellexisse, & omnes illos ignorasse, quicumq; ante se magistrum munere praediti, diuina eloquia tractassent, falsò solebat dicere. Ita vt Tertullianus alicubi Euangelium librum haereticorum appellarit. Abundè hoc idem docet nostra aetas, quae cum in sexcentas scissa sit haereses, in sexcenta schismata: quae ta-

DE VESTITV ET

- men omnia vera esse non possunt, cum vna sit & simplex veritatis via: nulla tamen est, quæ non suum sacræ scripturæ testimonijs tueatur errorem. Et eò magis quò absurdior, quò exitiosior est: quod in Anabaptistis Arrianisq; videre licet. Hic igitur est peculiaris Pseudoprophetarum vestitus: hæc mollia vellera, Non
- Math: 15.** ieiunat quis, lupus est: vestitus autem ouium ille, Non quod intrat per os coinquinat hominem, sed quod procedit ex ore hoc coinquinat hominem. Non orat quis,
- Math: 6** hic lupus est: vestitus autem, Orantes nolite multum loqui. Non vult quis subesse magistratui, lupus est:
- Acto: 5.** vestitus autem ouium, Obedire oportet Deo magis quàm hominibus. Confiteri peccata erubescit quis,
- Psal: 18** lupus est: vestitus autem ouium, Delicta quis intelligit? Continentiæ quis rumpit vota, lupus est: vestimentum autem ouium, Non omnes capiunt verbum
- Math: 19.** hoc, Non reddit quæ sunt Cæsaris Cæsari: quæ Dei Deo, lupus est: vestitus autem ouium, Gratis habetis, gratis date. Baptismum iterat, lupus est: vestitus autem ouilis, Qui crediderit & baptizatus fuerit saluus erit. Minorem patre filium iactat, lupus est: vestimentum autem, Pater maior me est. In nulla parte virtutis & honesti se exercet, lupus est: vestimentum autem, Arbitramur hominem iustificari fide sine operibus. Pulsat quis pauperes, damnat innocuos, expilat vicos, & oppida, peregrinos & mercatores mercibus expoliatur.
- lupus

lupus est : vestitus autem, Si autem impius egerit poenitentiam &c. Misericordiae Domini multae, sed & cruces scelerum plurimae. Hi sunt vestitus Pseudoprophetarum, in quibus ad nos veniunt, intus autem sunt lupi rapaces. Neque tamen ideò sacra scriptura, aut accusanda, aut reñcienda est : aut illa ad omnes errores cōficiendos, omnemq; Christianam doctrinam stabiendam minus vtrēdum erit, quòd ea hæretici peruersè abutantur. Sed quemadmodum oues non ideò velleri sua abñciunt, quòd eis aliquando lupi induti conspiciantur : quin eò magis ea tuentur, atq; ab omni luporum iniuria defendunt : ita etiam non eam ob causam sacra scriptura abñcienda erit, quòd hæretici ea ad suum & aliorū exitium malè vtantur. Hoc tamen sciendū est, sub hoc vestitu lupum aliquando latere posse. Neque statim, vt quis aliquot scripturae loca appellare potest, eum sequendum esse : cum hic communis æquè lupis ac ouibus, vestitus esse possit. In quo genere Diabolus, hæc nostra tempora ita fascinauit, vt nemo tam absurda doceat : modò Paulum vel Ioannem appellet : vt non hic statim quintus quidam Euangelista esse censetur. Attendite igitur vobis à falsis Prophetis, qui veniunt ad vos in vestimentis ouium, intrinsecus autem sunt lupi rapaces. Quomodo autem falsi à veris dignoscendi sunt, vbi sacrae scripturae allegatione non cognoscuntur, docet Euangelium. Ex fructibus, inquit,

B ñ

eorum

*super io
psalmum.*

eorum cognoscetis eos. At qui isti fructus? non idem sentiunt omnes, & res ipsa subobscurior est. Nostri temporis hæretici, sed & veteres referente Augustino, auaritiam, ambitionem, symoniam, luxum, vsuram, adulteria, ebrietatem, ac reliqua quæ carnem consequuntur vitia, eos fructus interpretantur. Quibus cum Ecclesiasticū Clerum planè diffluere vidissent, inde populo persuadere conati sunt: Clerum Ecclesiasticū falsos Prophetas esse ex his fructibus dignoscendos. Fuit hoc ad vulgus, in cuius oculos tot, & tanta nostrorum incurrebant vitia argumentum efficacissimum: his talibus retibus, tanta irretita est hominum turba. Plausibile sanè argumentum: dolendum quod est Christiani mei, vobis quod in primis Sacerdotes, vos tantum contra ordinem vestrum erexisse firmamentum: illiusque vim in dies magis ac magis, immensa cupiditate, ambitioneque vestra augere. Hos tamen non esse veros fructus, ex quibus veri à falsis dignosci Prophetæ possint, facile apparet. Partim quod hæc vitia cum hypocrisi pugnant: patent enim, & in oculos hominum incurrunt, nec benè cum vestitu ouium conueniunt. Nemo vnquam Arrio, nemo Phortino adulterium, nemo ebrietatem obiecit: facile ab his cauent illi, qui nocentiora venena ferunt. Partim quod hæc labes omnium sunt temporum: siue hæreses vigeant, siue omnino sint nullæ. Quod enim vnquam tempus, tam felix, tam beatum fuit, quò his neuis Respublica

Christis

FRUCTV. HÆRESEON.

Christiana caruerit? Itaq; fructus potius carnis quam
hæreseos, hæc vitia scriptura nominare solet. Manifesta
sunt inquit Paulus opera carnis, quæ sunt fornicatio,
immundicia &c. in quibus, & ipsam recenset hæresim.
Abundarunt hoc genere vitiorum veteris legis Pontifi-
ces & Sacerdotes: nusquam tamen eos scriptura, nus-
quam ipse Christus Dominus, in falsorum Prophetarū
censum retulit. Caiphas Symoniacus sacerdos: futu-
ra tamen verè prædicit: expedit vnum hominem mori
ne tota gens pereat. Erat enim inquit Ioannes Pontifex
anni illius. Quid Iudas Scariotes? sed & ipsum Petrū
reprehensibilem fuisse legimus. Verū hæc sublata iam
esse videtur controuersia. Ita enim isti, cum plerisq; no-
stris in pari lance malitiæ constituerunt: æquè improbi,
æquè sunt vitiosi: vt possint rectè inter se, alea iacere, v-
ter melior. Itaq; & ipsi, non valde hunc locum vrgent:
cū presertim illo manifestissimo Christi testimonio
conuincantur: super Cathedram Moysi sederunt scribe
& Pharisei, omnia ergo quæcunq; dixerint vobis, seruare
& facite: secundum autem opera illorum, nolite face-
re. Vel ipsis ergo testibus, magis proprium, magisq;
peculiare quid, quærendum erit. Fructus igitur hærese-
os tales esse debent, qualis est ipsa Hæresis: quæ cum
non ad vnius hominis exitium: sed ad totius corporis
Christi labefactionem comparata sit: fructus etiam
eius illi erunt, non qui singulis noceant, sed qui ad toti-

Galat: 5.

Ioan: 18.

Paulus ad
Galat: 5.

Math: 23.

us corporis Christi, quæ est Ecclesia, ruinam & desolationem referantur. Fructus enim radici respondere debent. Radix totum inficit corpus: fructus igitur similes quærendi. Quos ipsa scriptura duoq; ex principibus Apostolis Iesu Christi: Paulus vas electionis, & Iudas frater Iacobi abundè explicat. Neq; enim quicquam in hoc tam ancipiti loco, ex meo iudicio adferendū putavi.

*Iud. in sua
epistola.*

¶ Quorum primum, Iudas Apostolus, his recenset verbis, Dominationem inquit spernunt, Maiestatem autem blasphemant. Vt enim primus Apostata & hæreticus Lucifer, nimia arrogantia, contra Deum elatus, omnipotentis Dei dominationem spreuit, dum ei par per omnia esse vult: simulq; Maiestatem eius blasphemavit, cum inquit. Ponam sedem meam in Aquilone, & ero similis altissimo: Sic vniuersa eius propago. Schismatici & Hæretici, non illam primam & principem solum: sed etiam hanc secundam & vicariam, potestatem spernunt, Maiestatem blasphemant. Nunquam Martinus, nunquam Calvinus, Pontificem Romanum, cuius Cathedram Apostolicam Sedem, omnis antiquitas sanctissimè appellauit, & venerata est, nisi Antichristum: nunquam Pontifices, nisi monstra & portenta: nunquam Sacerdotes, nisi Ministros & vasa diaboli: nunquam Reges & Principes Catholicos, nisi Pharaones, tyrannos & libertatis publicæ oppressores appellare solent, Scripta illorum testantur, res negari non potest.

Isai: 14.

potest. Et cum authoramentum Maiestatis lex sit, leges enim vos Principes magnos & admirandos faciunt. Omnisq; hæc vestra dignitas, & auctoritas ex legibus, tanquam firmissimo præsidio dependet: idem legum, qui & maiestatis hostes sint oportet. Hinc illa Ecclesiasticarum primum, deinde civilium legum & sanctionum abrogatio: hinc patriarum constitutionum immutatio. Legibus enim integris & sartis tectis conseruatis: nequaquam neq; dominationem spernere: neq; Maiestatem blasphemare, impunè auderent: quinimo his stantibus & vigentibus, ipsi nullo modo stare, ac sese diutius tueri possent. Primus itaq; fructus hæreseos est, dominationis & maiestatis diminutio, legum autem antiquarum abrogatio, ac plena extinctio. Quis hæc docet? Iudas Apostolus frater Iacobi. Dominationem, inquit, contemnunt, Maiestatem autem blasphemant.

¶ Secundus eius mali qui ex hoc primo nascitur fructus, est inobedientia. Væ væ, inquit idem Iudas, qui in contradictione Core abierunt. Quam contradictionem sic Moyse exponit: Core, Dathan & Abiron, *Num: 16* Leuitici generis fratres: qui ad figendum deportandumq; tabernaculum, ac reliqua minutiora, cultus diuini munera erant destinati, Moyse & Aarone Principibus sacrorum & Reipub. spretis, in munus & officium sacerdotale sese temerè ingesserant. Misit igitur Moyse, vt vocaret Dathan & Abiron filios Eliab: qui responderunt, non veniemus.

Num 16. **V**eniamus &c. Iratusq; est Moyſes valde, dixit ad Do-
minum. Ne respicias Domine ſacrificia eorum: tu ſcis,
quod nec aſellum quidem vnquam acceperim ab eis:
nec afflixiſſim aliquem eorum. Contradiſtione igitur Co-
re, Inobedientia eſt, ac non expectata legitima vocati-
one, in alieni muneris functionem temeraria inuaſio:
quæ ex magistratus æſtimatione leiſſima naſcitur.
Qui fructus, an noſtra ætate ſatis ſuperq; his magiſtris
& doctõribus non reſloruit? Mandat quid vniuerſalis
legitimè congregata Synodus, reſclamat populus: non
faciemus. Mandat Sacerdos, reſclamat laicus: non fa-
ciemus. Mandat Rex, itidem ſubditi: non faciemus.
Mandat Dux belli, reſclamat miles: non faciam. Ab
his autem maioribus ad minora eſt proſectum: vt neq;
ſeruus domino, nec filius patri, neq; vxor viro, nec diſ-
cipulus officinæ magiſtro, aut parere aut ſubefſe velit,
ſed omnes id faciunt, quod bonum eſſe videtur in ocu-
lis eorum. Quàm frequens hæc vox exauditur: non fa-
ciemus: non veniamus: ipſi videtis. Malæ igitur arbor-
is hic eſt ſecundus deterior fructus, qui ex legum ma-
giſtratusq; contemptu exoritur. Væ igitur væ, qui in
contradiſtione Core abierunt.

¶ Tertiũ autem ille. Nubes, inquit, ſine aqua, quæ
à ventis circumferuntur, fluctus feri maris, deſpumantes
ſuas confuſiones: ſydera errantia, quibus procella
tenebrarum ſeruata eſt in æternum. Quæ nihil aliud de-
ſignat:

FRUCTV HAERESON.

signat:quàm perturbationem omnis tam Politici,quàm Ecclesiastici ordinis, qui tertius est huius mali fructus. Quid enim nubibus vacuis, magis inordinatū? quid fluctibus maris procellosi magis incompositū? quid ipsis syderibus errantibus,quæ nūc huc, nunc illuc temerè feruntur magis incertum? Sequitur autem naturæ ordine, illos duos hic tertius fructus. Vbi enim nulla est obedientia: Vbi nulla maioris vel minoris ratio & differentia: vbi superioris & inferioris nulla comparatio: ibi nullus certus ordo, nullus certus concentus sit oportet. Ex summis enim, & infimis, & medijs, moderata ratione interiectis, omnis emanat ordo. Quod vbi non est, ibi omnia incerta, omnia vaga, omnia fluctuantia sunt, infinitisq; procellis & tempestatibus agitata feruntur. Omnes apud istos Pōtiffices, omnes Sacerdotes, omnes Reges, omnes belli Duces, omnes Doctores, omnes deniq; omnia cenferi volunt. Qua enim ratione, ius & ordinē vllum inter se conseruabunt illi: qui sibi mutui sceleris conscij sunt? qui omnes ex æquo ab eo quod legitimū, quod cum veteri more coniunctū est recesserunt? quibus propria libido præest ac dominatur. In rerum igitur omnium confusione, quem tu ordinem inuenias?

¶ Quem fructum ille quartus, vi & natura consequitur sua, quem idem explicat Iudas. Murmuratores & queruli, secundum desideria sua ambulantes, os eorum loquitur superbiam qui se ipsos segregant, id autem est factio:

DE VESTITV ET

factionum & dissensionum auctores, pacis vero & p^ublicæ tranquillitatis perturbatores. Pax enim, vt docti^l finis placet, nihil aliud est, quàm tranquillitas quædam ordinis. Vbi igitur nullus est ordo, sed potius omnis ordinis peruersio: ibi pax nullo modo esse potest. Rixæ, factiones, dissensiones, in mutuum exitium conspirationes: hiq; domestici tumultus, bellaq; ciuilia, quibus nunc orbem terrarū ardere videmus, occupant omnia. Nobis verò inter se dimicantibus, ac vires mutuas atterentibus: & veluti in vtero vnus matris Ecclesiæ, more Iacob & Esau colluctantibus: contra hostes Reipub: Christianæ, nihil præclarum geritur: opes Saracenicę indies crescūt: Vrbes, Regna, Insulæ in eorū potestatem succedunt, nihil nostrum vel ioco concupierunt, quòd seriò non obtineant. Nobis interim pro scholæ quæstionibus, quarum finis nullus est decertantibus, qui pro Regnis & populis Iesu Christi sanguine quæsitis pugnare debebamus. Quid enim ab eo tempore, ex quo hæc labe Reipub. Christianam occupauit, præclare contra hostem nominis Iesu Christi actum est: quid illius Regno quæsitum? quid laudis & nominis gestum? omnia ruūt & retrò collapsa refferūtur, omnis virtus Christiana cōticuit. Sexcētæ licet fiant inter nos cōfæderationes, sexcentæ compositiones: pax tamen non erit. Pax enim tranquillitas est ordinis: quæ vbi non est, nulla itē pax sit oportet, ipsa naturæ vi & æquitate ita cōcludens.

te,

P R O C T V H A E R E S E O N.

10. Multū quidem valent humanæ sanctiones, multum
leges : naturam tamen rerū inuertere & immutare non
posūt. Non est pax impijs, dicit Dñs. Impij tanquam
mare feruens, quod nunquam quiescere potest. Ita qui
pacem inter Hæreticos, vel cum Hæreticis facere velit :
nihil aliud agit, quàm arenam sine temperamento glus
tinat : quæ nunquam natura sua cohæret, nunquam diu
in vnitatis vinculo permanere potest. Neminem enim
pacem suam tenere posse, qui pacem Dei repudiauit:
præclare dixit Hegesippus.

1841: 48.

57.

li: 5. ca: 20.

¶ Obstat enim & impedit ille quintus qui hos sequi-
tur fructus. Vx illis, qui in via Cain abierūt, & in errore
Balaam mercede effusi sunt. Via Cain, summum quod-
dam & irreconciliabile odium, ex inuidia natum, omnēq;
fraternæ charitatis abolitionem designat. Via Balaam
populi Dei, eiusq; castrorū infestationem, ac omni gene-
re conuicij & maledicti proscissionem. Vbi enim nulla
pax, ibi charitatem fraternam nullam esse oportet, ibi
conuicia & maledicta occupāt omnia. Habetq; hæresis
quoddam peculiare, ab alijs omnibus disiunctum odiū.
Quærit Iosephus, quæ causa fuerit, cur cum reliquæ om-
nes gentes, in aliquam societatis vnionem, cum alijs na-
tionibus venirent: Iudæi soli, nullam vnquam firmam
& constantem amicitiam cum cæteris gentibus colue-
runt. Reddit non aliam rationem, quàm disparitatem
& dissimilitudinem cultus & religionis: odiumq; quod

Iosephus
contra A-
pionem.

C ij

inde

De diuinis
nominibus
cap: 5.

inde manat implacabile, cum illi vnum solum, alij omnes infinitos coluerint Deos. Demonstrat hoc idem Dyonisius Areopagita, Geometrica quasi demonstratione. Vt inquit; Lineæ quanto remotius à centro discedunt, & numeri ab vnitatem quanto magis distant: tanto etiam plus abinuicem separantur, maioreq; intervallo absunt. Sic homines, quanto magis à Deo, qui est rerum omnium primum principium & centrum, omnisq; vnionis fons & origo: veraq; de illo opinione discedunt: tanto magis à seipsis distant ac seiunguntur. Nihil ibi in commune consulitur; nihil ad omnium salutem refertur; nulla totius corporis suscipitur cura: hoc solum vtile est, quod alteri nocet; ex alieno incòmodo sua quisq; sibi parat commoda. Nunquam pacem & concordiam illud regnum speret: quodcunq; dispares & pugnantes hæreses semel, intra sua susceperit viscera: frustra impossibilia tentantur, quod nunquam in eo decursu sæculorū fuit: nunc certè, quomodo fieri possit, non video.

¶ Sextus fructus eius morbi, ab eodem Apostolo explicatur. Hi autem quæcunq; quidem ignorant, blasphemant: quæcunq; autem naturaliter tanquam muta animalia norunt, in his corrumpuntur. Quod nemo alius facit. Nam Philosophi & si nobiscum non sentiant: nostra tamen conuictis & maledictis non traducunt. Ita sint duo, alter Philosophus quis, Aueroem vel Auicenam sequutus: alter Hæreticus: vterq; Deum v-

num

num & trinum non agnoscit : vterq; Christum ex virgine natum negat : vterq; sub specie panis & vini, verum corpus & sanguinem Christi contineri non censet. Hoc tamen inter vtrumq; interest : quòd alter argumentis contentus, non amplius progreditur : alter ultra argumenta, nefandis blasphemis, omnia inquinat & cõplet. Quæ enim & qualia in Dei filium, quæ in virginem sanctam, quæ in Sacramenta, diuina symbola maledicta conferant : ea, & dicere, & audire, piaculum est, longè certè acerbius, quàm illi : Si filius Dei est descendat de cruce. Maledictus furor eorum, quia pertinax : & indignatio eorum, quia dura. Non intret anima mea in cõfilium eorum, & in cœtu eorum, non sit gloria mea. Nec satis est ipsos ita petulantes, & maledictos esse, hacq; ratione æterni Regis maiestatem lædere : sed illud efficiunt, vt nomen Dei, nomen Iesu Christi, eiusq; Sacrosanctæ religionis, blasphemetur vbiq; in gentibus. Quis enim ex his qui foris sunt, eam religionem admiretur : quis suscipiat & non potius contemnat ac despiciat, quæ in tot hæreses, in tot dissidentia schismata sit distracta : & quæ de suis sacris tam maliciosè, tam petulantè, tam impudicè sentiat & loquatur. Non modò igitur ad lumen veritatis infideles his istorum moribus non redeunt, sed magis in suo errore tenebrisq; confirmantur. Ad quos enim potius in tâta sententiarum varietate se conferant, aut quomodo illos sequantur, qui in

Gene 49.

psi ubi certò defigant pedem non habent: Ita vt planè portas salutis omnibus gentibus, vita & moribus nostris claudere videamur. Et vt quondam Pilatus tradidit Christum cohorti ad illudendum, conspuendum, flagellandum, ac omnibus contumelijs diuexandum: ita nūc Hærescon ac Schismatum magistri, eundem Christum, eiusq; vnicam sponsam Ecclesiam exponunt iisdem gentibus: vt denuo flagelletur, conspuatur, ac varijs probris contumelijsq; ipsi illudatur, nullo vnquam tantum scelus dignè expiaturi xuo. Assume Domine zelum pro nomine sancto tuo.

¶ Septimum mali seminis germen illud est, gratiam Domini nostri Iesu Christi transferre in luxuriam, quod sic docet idē Iudas Apostolus. Subintrauerūt enim quidam homines, qui olim perscripti sunt in hoc iudicium impij, Domini nostri gratiam transferentes in luxuriā. Vt enim veterator ille paradisi serpens, eam ipsam prolixam & liberalem munificentissimi parentis gratiam, qua in omni honeste voluptatis & deliciarum genere primos nostros constituerat parētes, in exitialem transferre voluit luxuriam: ita vt nimia petulantia & insolentia eius suasu cōtra parentem suū elati, Dñ planè effici vo- luerint. Sic isti crucis Iesu Christi, vulnerūq; eius, mortis & sanguinis liberrallissimè in precium & ablutionem totius mundi in ara crucis effusi, gratiam volunt transferre in luxuriam, non tanquam exemplum imitatis

FRUCTV HÆRESEON.

mitationis, sed quasi velamen habentes maliciæ, vt dicebat Petrus. Quod ne fiat diligentissimè suos monet Galatas Paulus: vos in libertatem vocati estis fratres, tantumne libertatem in occasionem detis carnis. Laudent quantum velint in primis suis inicitis hæretici, omnem vitæ continentiam & sanctimoniam, Catharos Angelicos, Apostolicos Apotacticos id est selectos more veterum, Gnosticorū, Martionistarum, Valentinianorū, sese ambitiosè appellent: ad vltimū tamen, omnem Dei gratiam transferunt in luxuriam. Notum est in quam foedas ac planè infandas libidines prioris seculi hæretici, ad extremum præcipitabantur: sed & nostri, ieiunia primum, vigiliæ, cilicia, humi cubationes sustulerunt, virginitatem tanquam rem Deo & naturæ aduersam & inimicam reiecerunt, claustra Monasteriorum ac voto susceptæ pudicitie perfregerunt, Polygamiā laudarunt, vltimo Adamismus quidā turpis, & nefarius introductus est: sic semper hæresis gratiam Dei transfert in luxuriā.

1. Petri: 2.

Ad Gal: 5.

¶ Octaua demum eius pestis labes est: perpetuus in deterius profectus. Hunc fructum Paulus ad Thymoteum scribens sic explicat, Semper, inquit, discentes, & nunquam ad perfectionem cognitionis peruenientes. Mali autem homines & seductores proficient in peius, errantes, & alios in errorem inducentes. Et paulò post. Iniquitas autem eorum proficit in peius, quorum sermo serpit tanquam cancer. Mille quingentis septuaginta octo

2. Tim: 2.

1. Tim: 3.

DE VESTITV ET

oēto annis, res Christiana in dispensatione potestatis à Deo ordinatæ, inter tot persecutiones, inter tot feri, ingenui, & linguæ impugnationes, inter tot hæreses & schismata, integra & intemerata, conseruata est. Articuli fidei, sacramentorum dispensatio, libri sacri, eorumq; interpretes, canones, consilia, Synodi, Patres, ceremoniæ, sacra, ordines, ordinumq; functiones, incorrupta, immutataq; manent. Sexagesimus vix intercessit annus, ex quo isti noui dispensatores in eam inuaserunt possessionem, & iam vix reliquias eius, quod à nobis acceperunt, depositi tuentur. Sic prophanata, sic conculcata sunt omnia: dum hoc anno eam inficiunt religionis partem, alio aliam, & iterum aliam: donec totum fidei & pietatis corpus hic letalis absumat Cancer. Vnde cœptum sit videris, & quò profectum. Quorsum illa aqua lustralis, quorsum euaserunt Indulgentiæ, Auctores ipsi vix sua recognoscerent dogmata. Neq; verò in peius proficiunt, tantum: sed in quo maximè admirari licet summam diuinæ potentix vim, in hominum malicia & curiositate vindicanda planè in contrariū recidunt sensam. Quantum fidei dignitatem & amplitudinem, supra quam etiam necesse fuit extulerint, nemo est qui ignoret. Nunc ipsi vel penitus nihil credunt, vel in omni parte fidei sensum & experimentum quærunt: suntq; nonnulli qui in solis bonis operibus cum Pellagianis totam salutis spem putant repositam esse. Verbum Dei, Euange-

FRUCTV HAERESION.

Euangelia ipsa, Pauliq; scripta, quibus laudib; in coelū
ferebātur scimus: nihil detrahendū, nihil apponendū esse,
quam magnificē docebātur nō ignoramus. Nūc Moy-
ses multis placet, Christus & eius Euangelium displicet,
nouum Testamentum recens quoddam opus esse vi-
detur: nec multorum, aut temporum, aut hominum
auctoritate comprobatum: veterem legem & antiqui-
tate & iudicio omnium gentium plurimum valer: quo-
modo omnes illi sentiunt qui noui Iudaifantes dicun-
tur. Quid de Sacramentorū vi, integritate, veritate, san-
ctitate, frequenti vsu, quān praelara ut quidem vides-
bantur quondam tradebant. Nunc vel nuda quaedam
& egena elementa esse dicunt, vel illis penitus non vtū-
tur. Maledictū illum esse praeedicabant, qui cōfideret
in homine, quiaue carnē suam poneret brachium. Nunc
ipsi nudum & simplicem hominem Iesum Christum,
ut quidem illi autumant, colunt, & adorant, grauissi-
mo idololatriae delicto obnoxij. Totum certamen pro
gloria, laude, maiestate Iesu Christi se suscepisse profi-
tebātur. Nos hostes & proditores cultus ac nominis ei-
us, tertio quoq; appellabant verbo: nunc eum quem
pater glorificauit, & in quo summam splendoris glori-
ae collocatam esse voluit: ita ut qui non honorificet
filium, non honorificet & patrem, infra Angelorū etiam
constituunt sortē, ac ne ex virgine quidem natum. Ma-
chometanis in ea parte, deteriores confiteri volunt.

D

Quam

Quam dissimilia & pugnātia extrema primis, videtis
 quæ tamen omnia euentura, iam tum à principio illis à
 Catholicis viris ad vnguē planè prædicabantur. Vnde
 igitur tanta mētis cecitas? unde hæc amentia? descendit
 dominus, & confundit linguas & sensus eorum, vt non
 audiat vnus quisq; vocem proximi sui, ac ne suam qui-
 dem quam primo constanter tuebatur, & pro qua for-
 tissimè decertabat. Docet S. scriptura singulis Ecclesiis,
 singulos Angelos ad earum regimen & gubernationem
 ac custodiam præfectos esse: quas vbi voluntate Dei
 peccatisq; hominum deseruerint, eas omnibus ignitis
 tellis spiritualium potestatem patere, ac ex errore in er-
 rorem prolapsas referri. Quos Hæresibus ac Schisma-
 tibus fugari, ipsasq; Ecclesias relinquere, testis est gra-
 uissimus auctor Hieronymus, quod istis euenisse dubi-
 tandū non est. Verè igitur sermo illorū serpit tanquam
 cancer, errorq; in principio paruus, in exitu infinitis par-
 tibus crescit: nec primum consistet, quam res ad eos res-
 dierit, quibus dictum est. Qui vos audit, me audit: qui
 vos spernit, me spernit

S Ex quo malo pessimi profectus, alia miserabilis
 & funesta nascitur calamitas: conscientia scilicet pertur-
 batio & instabilitas mentis: qui est nonus Hæreseos
 fructus. Cauteriatam, inquit Paulus, habentes conscien-
 tiam: perplexitatem quandam & fluctuationem denotans
 conscientia, Dum enim animus in eo quod maxime

mut

mum est, & in quo vitæ & felicitatis summa constitit:
 nullum certum modum, nullum optatum inuenit exitū,
 ac pro tuto portu in maiores æstus, maioræq; naufragia
 se indies deportari videt: nec vsquam tam firmiter as-
 git pedem, quin nouis fluctibus argumentorum inde nō
 exturbetur: dici non potest, quantum cōmoueri & per-
 turbari solet: quantum indignari & planè irasci: nullū
 mare tantis fluctibus, quantum hic animus cogitatio-
 nibus æstare ac fluctuare solet. Hinc macies, hinc pa-
 lor, inedia: hinc vigiliæ & nocturnæ excitationes: hinc
 in via, in balneo, ad mensam, in lecto disceptationes ac
 perpetuus ad easdem cogitationes recursus: hinc leui
 ex causâ maximæ offensiones & scandala: hinc repeti-
 tæ consultationes, conuentus & synodi: hinc vitæ & lu-
 cis tædium: hinc spontanæ sibi manuum illationes:
 hinc aliæ infinitæ cruces. Cauteriato enim mēbro, nul-
 la quies. Ex qua animi ac conscientie ægrimonia, exor-
 titur metus quidam & trepidatio, vt metuant vbi non
 est timor, fugiant nullo persequente. Virtutis enim viri
 fundamentum, recta conscientia est. Probatum est hoc
 nuper aliquoties his proximis Tartaricis incursionibus,
 quid actum, quomodo trepidatum sit. Non factitarūt
 hæc maiores nostri, quibus certa & explorata fuit pie-
 tatis & religionis suæ ratio: qui non nisi cum Dñs, vt a-
 iunt, & sacris: bona conscientia pro fortissimo clypeo
 tecti, in aciem & certamina descendere solebant. Quan-

Dñ

quam

Vin: Lis
vinenlib:
de hære.
sup: 15.

quam autem hi conscientiarum tumultus in omni illos per-
turbent vita, maximè tamen in morte excitantur, con-
trarijs argumentis in vtramq; partem colluctantibus :
alsensu fluctuante, Diabolo tunc omnia in immensum
augente ; ita, vt vix centesimum, æquo animo mori vi-
deas. Quam eorum miserabilem conditionem, Vini-
centius Lirinensis ante mille annos disertè in hunc mo-
dum deplorat, Et perire metuunt, & redire erubescunt
faucij, semineces, semiuiui: quippe qui tantam veneni
hauserint quantitatem, quæ nec occidat, nec digeratur:
nec mori cogat, nec viuere sinat. Heu miseranda con-
ditio, quantis illi curarum æstibus, quantis turbinibus
exagitantur. Nunc etenim quæ ventus impulerit, incita-
to errore rapiuntur: nunc infemetiplos reuersi, tanquam
contrarij fluctus reliduntur: nunc temeraria præsum-
ptione ea quæ incerta videntur approbant, nunc irratio-
nali metu, etiam quæ certa sunt expauescunt: incerti quæ
eant quæ redeant: quid appetant, quid fugiant: quid te-
neant, quid dimittant. Quæ quidem dubij & malè pen-
duli cordis afflictio, diuinæ erga se miserationis est me-
dicina, si sapiant. Idcirco etenim extra tutissimum Ca-
tholicæ fidei portum diuersis cogitationū quatiuntur,
verberantur, ac penè necantur procellis, vt excussa in
altum elatz mentis vela deponant, quæ malè nouitatē
ventis expanderant: seseq; intra fidissimam stationem
placidæ ac bonæ matris reducant & teneant; atq; ama-
rosile

ros illos turbulentosq; errorum fluctus primitus reuocant, vt possint deinceps viuz & salientis aquae fluente potare. Dediscant benè, quod didicerunt non benè: & ex toto Ecclesiae dogmate, quod intellectu capi potest, capiant: quod non potest, credant. Hæc ille.

¶ Sequitur decimus ille letalis radicis letalior fructus, religionis vniuersæ cultusq; diuini ruina vltimūq; exitium. Quod non tam scripturæ testimonijs, quàm re ipsa comprobatum est. Cum enim vniuersa fides ac religio Christiana, neq; demōstratione vlla nitatur, neq; sensui subiecta sit: sed sola fide, consensu auctoritateq; constet. His sublati aut saltem labefactati: omnem religionem auferi oportet. Hac potissimum ratione. Versatur quis inter Catholicos, inuenit argumenta, inuenit scripturas: venit item ad Sacramentarios, eadem omnia: Item ad Anabaptistas, non infirmiora: ad Trinitarios, Arrianosq; eodem modo. Quæ omnia, ex hisdem quasi scripturæ, recteq; rationis fontibus petita: cū animus infirmus, & Cauteriatus, coquere non possit: magna vndiquaq; pondera rerum, & personarum dum videt: omnia simul, cum summo acerbitalis dolore euomit: vniuersamq; abnegat fidem. Ipsoq; infideli efficitur deterior, qualem nunc non vnum & alterum, sed plenos inter nos videmus versari greges: qui illud iam confiteri non erubescunt: se, quod in religione sequi debeant, planè nescire, omnia hæc quæ verissima esse putabant,

DE VESTITVET

tabant falsa & conficta esse : religionis & pietatis , nihil prater speciosum nomen & titulum existeret : & hæc quidem plurimi palam : alij autem qui paulò moderatiores pudentioresq; sunt : cum palam id affirmare non audeant, in corde tamen suo illud cum impijs occinunt, non est Deus. quorum numerus & multitudo ipsi Deo cognita sunt : esse tamen quàm plurimos, vita & mores hominum corruptissimi testantur. Euenerat hoc idem inter Philosophos quondam. Dū enim Reges ac maximi quiq; homines philosophabantur, grauitè tunc & seriò, omnes explicabantur philosophiæ partes : nihilq; affirmabatur nisi quod ex ipsius naturæ principijs, ac planè visceribus depromeretur : At, posteaquàm philosophia, ad homines egentes vanos ostentationiq; de ditos translata esset, qui eius finem, lucrum potius & quæstum, vanamq; gloriam, quàm veritatem sibi proponebant, tunc omnia ad nugas quasdam & ineptias, incredibiliaq; paradoxa translata sunt : quibus stultæ plebeculæ, illi ambitiosi magistri admirabiles videri voluerunt. Hinc illa omnia vnum esse, cœlum in perpetua quiete permanere, terram autem incitato cursu agitari, motum in rerum natura existere nullum : hinc nigram, & quid non? quibus altercationibus eò res deducta fuit, & nihil certò sciri aut affirmari posse existimaretur : illiq; sapientissimi esse iudicati sunt, qui nihil se nec magnum nec paruum scire profitebantur. Talis

Socras

Socrates, talis Carneades fuit. Philosophi ipsi ex urbibus & ciuitatibus eiecti, planeq; tota ruiſſet philoſophia, niſi illa duo ſapientia lumina Plato & Ariſtoteles, rem plane collapſam ſerio philoſophando reſtituiſſent. Sic nimium altercando, omnis amittitur veritas.

S Vltimus eſt ille qui hæc omnia obſignat mala, tam exitioſi portenti fructus, vocata in dubium re omnium maxima & ſanctiſſima Religione, leges item moresq; antiquos, virtutem, omneq; honeſtum in dubium vocari, quaſi hæc hominum potius inſtituto & opinione: quam vi & natura ſua nitantur: ſicq; omnis honeſti recteq; rationis habenis ſolutis, omniq; diſciplina ſublata à virtute ad vitia, non iam pedetentim & lento gradu, ſed præcipiti curſu diſceditur: ſic omnis honeſti alea iacitur. Hi ſunt igitur illi quos querebamus hæreſeos proprii & peculiare fructus: non ex noſtro ingenio vt videtis deſumpti: ſed in ipſa ſcriptura adumbrati, omnium autem temporum decurſu exemplis comprobati. Sic igitur rem totam concludamus: ſi ante ſeptuaginta ipſos vel octoginta annos hi tales fructus in Eccleſia Catholica colligebantur: falſi tunc erant illi propheta, qui eam profitebantur doctrinam. Si autem tum in ea negligentia quam & ipſi videmus & iſti tantopere acculant, nihil horum orbem vexabat Chriſtianū. Nunc autem iſtis Ducibus & ea tam diligenti ſcripturarum venditatione, hi fructus, tanquam ex quadam Epime-
thei

DE VESTITV ET

chei Pandora promanarunt. Quid aliud dicemus, quā maiores nostros, parum quidem illos diligentes & continentēs homines fuisse: falsos tamen prophetas nequaquam appellari debere: hos autē prima quidē specie pietatem & veritatem pręferre, intus autem lupos rapacissimos esse. Vultisne vobis in meridie lucernam accendā? si iudicatum erit in meridie non lucere, hęc ita se non habent: si autem hęc verissima sunt, quid amplius desideratis in re pręsertim tanti periculi? Hi enim fructus vitam singulorum perturbant, funestaq; labe inficiunt: Respub. euertunt, omnem autem pietatē & honestatem extinguunt. Eorum tamen malorum satores vos suspicitis, ac in delicijs habetis: in manibusq; planē portatis vestris: horum vita, fortunę, tot confęderatis onibus, tot pręsidijs legum, tot Sacramentis, quę iam officina ipsa Regi exprobrare nō veretur, apud vos est sacrosancta: parumq; est quod non puniuntur, sed aliundē etiam conquiruntur, sed publicis pręmijs ac honoribus prouocantur, sed in ore ipso Regū atque Principum ea semina malorum iacere non erubescunt. Pessima hęc Aula est, diuturnę febris, quę nunquam ægrum deserit, nisi prius aliquod vitium, tanquam signū & monumentum sui in ægro corpore reliquerit. Sic nos nusquam venimus, vbi non aliquas reliquias eius pestis & contagionis, inter eius loci & vrbis homines relinquantur. Ac vereor, ne etiam in hac ipsa ab ea labe, Dei munere,

FRUCTV HAERESION.

munere, integerrima Vrbe, aliqua eius pestis semina relinquamus : quæ postea in similes erumpant fructus. Quæ omnia cui malo? Num verbo Dei, num veritatis Nequaquam. Hæc enim manent in æternum, his nulla malicia humana, aut abrogare aut derogare quidquam potest. Num Ecclesiæ Dei & Regno Christi? Nequaquam. Hæc est enim columna & firmamentum veritatis, ædificata in firma petra, contra quam, ne portæ quidem inferi quicquam præualere possunt. Cui igitur malo? Rebus pub. quarum hoc exitium, hic certissimus est interitus, Regibus ac Principibus ipsis, quibus hæc omnia exedenda erunt, quæcunq; isti diuini magistri intriuerint. Verum dicet quis, hæc quidem de cæteris Sacramentariorū, Arrianorum, Anabaptistarum sectis verissimè dici : Augustanæ autem confessioni nequaquam conuenire. Cæterum, vultisne meū de Augustana quod antea nunquam attuli, audire iudiciū? breuibus accipite. Spero enim vos id quod ipsa res docet approbaturos. Plus habet de velleribus ouium, fructus autem persimillimos. Solēt Plagiarij qui homines, vel ex littoribus, vel ex oppidis suffurantur, cum ipsi omnibus illorum locorum hominibus suspecti sint : habere secum quosdam, vel ex illis ipsis oppidanis, vel saltim persimili habitu & vestitu adornatos : hos ex nauibus ad oppida vicina dimittunt, vt familiaritate cum illius loci hominibus, atq; adeo pueris ipsis innita: eos ex oppidis in solum locū ad littora, tanquam in ambulandi causa, educant.

1. Tim : 3.

E

cant.

DE VESTITV ET FRV: HAERE:

cant. Quos vbi primum illi eduxerint isti rapiunt, ac in naues coniectos, secū in medios fluctus asportant. Plagiarij sunt perfimiles ceteri hæretici: Augustana ipsa ex hoc genere hominū insidiosorum est, qui similitudine victus & habitus, homines ex tuto Ecclesiæ Catholicæ sinu, in littora Piratis obnoxia deducit: idq̃ propter eā similitudinē & vicinitatē, quam se cum Catholica Ecclesia habere simulat, qua incautis & simplicibus hominibus facilimē imponit. Exaudire enim licet illas voces: eandem hanc religionē esse, n̄sdem principj & fundamentis inniti, in cultu & ceremonijs nescio quid discrepare. Quos vbi semel ex loco tuto eduxerit: hūc Sacramentarius, illū Anabaptista, istum Arrianus, aut Trinitarianus quispiam rapit: cum eoq̃ in ipsos exitiosissimos certissimæ perditionis scopulos fugit. Quem enim isti funesti Plagiarij ex Augustanæ sinu nō rapuerūt: quem ista insidiosa Syren ex portu Ecclesiastico non eduxit: aut quis ex istis Augustanā fidem à principio non erat sequutus? Habetis veram, vt puto, Augustanæ formam & imaginem: si hoc idem res ipsa non docet, nolite credere: si autem veritatem dico vobis, quare non creditis mihi? Attendite igitur vobis à falsis Prophetis: sed maturè, priusquam hoc incendium ita augeatur, vt postea, nisi vestra ruina extinguī non possit. Deus misereatur vestri, vt hoc tantum malum quot Respub: florentissimæ perierunt, à vobis auertat. A M E N.

DE CAUSIS SUPREMI
EXCIDII HIEROSOLYMITANI.

18

E videns Iesus ciuitatem fleuit super illam, dicens: si cognouisses
et tu. LVCE XIX.

CIVilitatem superbam humiliabit, humiliabit eam
vsq; ad terram, detrahet eam vsque ad pulcrem, *Isaie 26.*
conculcabit eam pes, pedes pauperis, gressus egenorum,
vt non sit amplius ciuitas, & in sempiternum non
aedificetur.


Eiisdem ciuitatis supremum exitium, vltimamq;
plagam, multo ante his verbis prædixit Isaïas, cuius
nunc acerbissimum casum letaleq; vulnus ipse deplo-
rat sponsas & hæres. Si inquit, cognouisses & tu, &
quidem in hac die, quæ ad pacem sunt tibi, nunc autem
abscondita ab oculis tuis, Nec deplorat tantum, verum
etiam omnis istius humiliationis ac deiectionis ob o-
culos ponit rationem & modum. Venient inquit, dies,
& circumdabunt te inimici tui vallo, & coangustabunt te
vndiq; & ad terram prosternent te, & filios tuos qui in
te sunt, & non relinquent in te lapidem super lapidem,
eò quod non cognoueris tempus visitationis tuæ. Vt
illud simul eiisdem Isaïæ completum esse videatur. Po-
suiti ciuitatem in tumulum, urbem fortem in ruinam, *Isaie 25.*
domum alienorum, vt non sit amplius ciuitas. Cuius
tam tristis & miserabilis expugnationis, cum superiore

E n

anno

DE CAUSIS SUPREMI EXCIDIJ

anno summam, & rationem omnem vobis exposuerim: nunc quæ & quanta hæc fuerit ciuitas, & quas ob causas extremo vulnere percussa, ex tam alto dignitatis culmine deciderit, demonstrandum duxi. Vt discant Regna, resquepub, Christianæ, nō magis opibus & viribus, magnitudiniquæ suæ, quam æterni parentis auxilijs benignoquæ fauori confidere: simulquæ illud perspiciāt, quæ causæ salutis & incolumitatis, quæ item interitus & exitij earum sint. Cui argumento tam graui & pernecessario explicando, quò pares aliqua ex parte esse possimus, opem diuini numinis imploremus.

 Hierosolymæ vrbis de qua nobis præsens dicendi institutū est, vel cōditoribus & antiquitate ipsa, vel amplitudine & dignitate, vel opibus & facultatibus, viribus itē & munitionibus princeps gloria, ante alias omnes vrbes fuit, ac quasi ipsi immortalitati cōparata. Chananæi hæc multis annis ante Egyptiacam seruitutē, datamquæ legē, maximis opibus, sūmisquæ præsidijs condiderūt. Primus vrbis fundator Melchisedech fuit, Rex & Sacerdos Dei sanctissimus, primusquæ & Regni & Sacerdotij, venturi Mesiæ adumbrator amplissimus, huic Abraham victis & profligatis quinq; Regibus, ex omni illa vberissima præda, honoris & religionis causa decimā detulit partē. Magnus quidem hic vrbis conditor, sed ille longē maior, de quo Dauid. Fundamēta inquit, eius in montibus sanctis, diligit Dñus portas Syon

Psal. 86.

super

HIEROSOLYMITANI.

super omnia tabernacula Iacob, Nunquid Syon dicet
homo, & homo natus est in ea, & ipse fundauit eam al-
tissimus. Hinc orta duobus totis millibus annorū, cen-
tum & septuaginta septem annis, magna laude, summo
splendore, maxima omnium gentiū admiratione Prin-
ceps Imperij Israelitici stetit. Sedem hic & domiciliū
nominis sancti sui: Regni item omniumq; promissionū
suarum, fixerat Deus ipse. Domum Regis ædificari, ar-
cam fœderis collocari, templum sacratissimū ac famos-
simum extrui in eo loco voluit: cum quo Sacra, cæ-
rimonias, sacrificia, omnemq; cultum suum ita coniun-
xerat, vr hæc nusquam alibi quam in eo loco adminis-
trari voluerit. Ex eo templo tanquam de summo cœ-
lo, omnibus gētibus & nationibus, opem & præsens aus-
xilium se laturum pollicebatur, quicumq; modo eò sup-
plex tempore suo necessario confugisset. Huc igitur
Reges, huc Principes, huc Imperatorum quiq; maximi,
preces vota q; deferebant sua. Cyrus, Darius, Alexan-
der Macedo, Ptolomæus, Seleucus, Pompeius, cœteri q;
quàm plurimi. Sublimis tum fuit illius vrbis gloria,
magna maiestas, sed multò maiorem sub Rege Messia
futuram fuisse prædixerat Hieremias. Ingentur, in-
quit, per portas ciuitatis huius Reges & Principes, se-
dentes super solium Dauid, & ascendentes in curribus
& equis, ipsi & Principes eorum, viri Iuda & habitato-
res Hierusalem, & habitabitur ciuitas hæc in sempiternum.

Hic: cap.
17. 22

E in

num.

DE CAUSIS SUPREMI EXCIDIJ

nam. Et veniēt de ciuitatibus Iuda & de circuitu Hierusalem, & de terra Benjamin, & de campstribus, & de montosis, & ab austro portantes holocaustum, & victimas, & sacrificium, & tus, & inferent oblationem in domum Domini. Quæ omnia prolixissimè completa fuissent, nisi tantis, pmissis, tantæq; Dei munificentiæ incredibilis illius populi malitia, & improbitas obstitisset. Merito igitur hæc tam excelsa de eius vrbs præstantia & dignitate diuinus vates. Elegit Dominus Syon, elegit eam in habitationem sibi. Hæc requies mea in seculum seculi, hic habitabo quoniam elegi eam. Viduam eius benedicens benedicam, pauperes eius saturabo panibus. Illuc producam cornu Dauid, paraui lucernam Christo meo. Inimicos eius induam confusione, super ipsum autem effloreat sanctificatio mea. Cumq; Deus offensus placari debebat per templum, per eam ciuitatē exorari voluit. Magna igitur dignitas, magna amplitudo eius vrbs, sed & opes & diuitiæ maximæ. Tempora & opes Salomonis sic describit Liber 3. Regum.

Reg: lib: 3. p: 10. Erat autem pondus auri quod offerebatur Salomoni per annos singulos, sexcentorum sexaginta sex talentorum auri, excepto eo quod offerebant viri qui super vestimenta erant, & negotiatores, vniuersi p scuta vendentes, & omnes Reges Arabiæ, Ducesq; terræ. Fecit quoq; Rex Salomon ducenta scuta de auro purissimo (sexcentos auri siclos dedit in laminas scuti vnius) & tres

centas

centas peltas ex auro probato. Trecentaq; minz auri
vnam peltam vestiebant. Posuitq; eas Rex in domo
saltus Libani. Fecit etiam Rex Salomon thronum de
ebore grandem, & vestiuit eum auro fuluo nimis, qui
habebat sex gradus, & sumitas throni rotunda erat in
parte posteriori, & duz manus hinc atq; inde tenentes
sedile, & duo leones stabant iuxta manus singulas, &
duodecim leunculi stantes super sex gradus hinc atq; in-
de. Non est factum tale opus in vniuersis regnis, sed &
omnia vasa de quibus potabat Rex Salomon, erat aus-
tea: & vniuersa supellex domus saltus Libani de auro
purissimo. Non erat argentum nec alicuius pretij pus-
tabatur in diebus Salomonis, quia classis Regis per
mare cu classe Hiram semel per tres annos ibat in Thar-
sis, deferens inde aurum & argentum, & dentes elepha-
torum, & simias, & pauos. Magnificatus est ergo Rex
Salomon, super omnes Reges terrarum diuitijs & sapientia,
& vniuersa terra desiderabat vultum Salomonis, vt
audiret sapientiam eius: quam dederat Deus in corde
eius, & singuli deferiebant ei munera, vasa argentea &
aurea, vestes & arma bellica, aromata quoq; & equos,
& mulos, per annos singulos. Congregauitq; Salomon
currus & equites, & facti sunt ei mille quadringenti cur-
rus, & duodecim millia equitum, & disposuit eos per
civitates munitas, & cum Rege in Hierusalem. Fecitq;
vt tanta esset abundantia argenti in Hierusalem, quan-
ta &

ta & lapidum : & cedrorum præbuit multitudinē, quasi Sycomoros quæ nascuntur in campestribus. Et educebantur equi Salomoni de Ægypto & de Choa. Negociatores enim Regis emebant de Choa, & statuto pretio perducebant. Egrediebatur autem quadriga ex Ægypto sexcentis siclis argenti, & equus centum quinquaginta. Atque in hunc modum cuncti Reges Hethæorum & Syriæ equos venundabant. Hactenus scriptura, Magnum hoc fuit vectigal, magnæ opes, & Regis & urbis, quæ tamen post ipso tempore in immensum planè creuerant : nam & reliqui Reges & ad opes & ad ornamenta urbis plurimū addiderūt, ibique probatū est quantum momenti ad omnia incrementa rerum & facultatum : æterni parentis fauor ac beneuolentia adferat. Bono igitur animo sit Rex meus, cum filium patris timentis Deum, ad eam opum & facultatum magnitudinem peruenisse videt. Modo & ipse Deum timeat, in omnibus mandatis & iustificationibus eius, sine querella incedat : iustitiam colat, ius ex æquo omnibus dicat, sermonibus vulgi se non det, nec in præmijs humanis spem reponat suam, suis illecebris illum virtus ad proprium decus trahat, spem autem & fiduciam omnem in Deo fonte omnium bonorum munificentissimo reponat suam. Magnæ ergo opes fuerant illius urbis, sed & magnum robur, vires & munitiones maxime. Vocat Isaias eam ciuitatem Ariel, hoc autem est Leonem Dei, propter summa præsidia & vires. Vnde illud lamens

HIEROSOLYMITANI.

lamentum Hieremiæ. Non crediderunt Reges terræ, *Tren. 4.*
 & vniuersi habitatores orbis, quod ingrederetur hostis
 & inimicus per portas Hierusalem. Stupebat Pompe-
 ius, inquit Hegesippus, primo suo ingressu, acres viro-
 rum animos, muri decorem & magnitudinem. Sed &
 res ipsa docuit. Duos enim præstantissimos populi Ro-
 mani Imperatores, Titum & Vespasianum, priusquam
 expugnaretur defatigauit, quos ipsa obsessa aliquando
 obsidione cinxit, quatuor deiectis muris, temploq; suc-
 censo, triginta tamē millia Romani exercitus in urbem
 ingressa: vix ad reliquias illius populi conficiendas,
 idq; vario Marte suffecerunt. Nec tamen vllis opibus,
 aut viribus humanis: sed sūma sua nequitia, & impro-
 bitate consumpta perit: dum plures interna seditio,
 quam externum confecit bellum, Romanis spectatori-
 bus potius tantæ urbis ruinæ, quam expugnatoribus.
 Omnia igitur in ea vrbe magna, omnia immortalitati
 comparata, quam ipse spiritus sanctus, qui nec assentari
 nec mentiri potest, per os Hieremiæ, Dominam gentis *Tren: 2.*
 um, Principem Prouintiarum, Urbem perfecti decoris
 & gaudium vniuersæ terræ appellare solet. Quæ igitur
 causa tam fœde ruinæ? Cur proiecit dominus de cœlo
 inclitum Israel: & non est recordatus scabelli pedum
 suorum in die furoris sui? Superfluum credo videbitur,
 causas interitus & euerisionis eius urbis curiose perqui-
 rere, cum illa sola sufficientissima sit, quam tot pro-
 phetæ

DE CAUSIS SUPREMI EXCIDII

phetæ, tot sanctissimi prædixere viri. Mors inquam Iesu Christi veri Messia. Quam rem sic prædixit Amos
Amos capite 2. Propheta. Super tribus, inquit, sceleribus Israel, & super quarto non conuertam eum: pro eo quod vendiderunt pro argento iustum & pauperem pro calciamentis.
Michee cap. 5. Et Micheas. Tunc vastaberis filia latronis, obsidionem posuerat super nos, in virga percutiet maxillam Iudicis
Genes. 49 Israel. Et ante hos omnes Iacob. Quia in furore suo occiderunt virum, & in voluntate sua suffoderunt murum. Et ipse Saluator. Quia, inquit, non cognouisti diem visitationis suæ. Mors Messia, mortis & interitus illius urbis causa fuit. Verum Christiani mei, hoc malum multa antecesserunt alia mala, nec fuit hoc primum peccatum Israel. Sic enim existimare debetis, peccata peccatis vindicari, idque leuiora grauioribus semper, si maturè vera pœnitentia & intimo animi dolore non expiantur, donec insigni aliqua ac incurabili obsignentur calamitate. Docet hoc Diuus Paulus, dum quæ causa fuerit excecationis lapsusque veterum sapientum exponit.
Ad Rom. cap. 1. Quia cum cognouissent Deum, non sicut Deum glorificauerunt, aut gratias egerunt: sed euauerunt cogitationibus suis, & obscuratum est insipiens cor eorum, dicentes enim se esse sapientes, stulti facti sunt. Et mutauerunt gloriam incorruptibilis Dei, in similitudinem imaginis corruptibilis hominis, & volucrum, & quadrupedum, & serpentium; propter quod tradidit illos
Deus

HIEROSOLYMITANA

Deus in desideria cordis eorū, in immundiciā, vt contumelijs afficiant corpora sua in semetipsis, hæc Paulus. Quod idem nūc pāssim euenire videmus, Ecclesiā Dei, Quile Christi deseruit quis, hærefes sequutus est, templa araq; Deo dicatas expoliāuit atq; euerit, vasa Sacra per sacrilegium abstulit. Sacerdotes pullāuit, Sacramentis salutis suę remedijs manus violentas intulit, Baptismi fidem datam prodidit, filium Dei blasphema- uit & ostentui habuit, fidem abnegauit, non primū hoc fuit eius hominis peccatum: multorū scelerum hic vlti- mus fructus & obsignatio est. Qualem plagam & vine- dictam ne sibi eueniat, magna animi submissione depre- catur Dauid. Ne proñcias me inquit à facie tua, & spi- Psal: 50. ritum sanctum tuum ne auferas à me. Redde mihi læ- ticiā salutaris tui, & spiritu principali confirma me. Magnum hoc est diuini furoris argumentum, vltima sceleris vindicta. Nec populi ergo Iudaici primum sce- lus fuit mors Christi, complementū & obsignatio hæc fuit vniuersi cursus nefarij, vt veniret super illos omnis sanguis iustus, à sanguine qui effusus est, super terram iusti Abel, vsque ad sanguinem immaculati Agni Iesu Christi. Sed quæ tandem mala hoc vltimū sine reme- dio pepererūt malum? aut quibus gradibus hæc tanta ciuitas ad eam tam exitiabilem delapsa est calamitatē?

¶ Prima illa fuit malorū causa, primusq; præcipiti gradus, legis diuinæ auitaq; religionis, quæ vna & sim- plex

DE CAUSIS SUPREMI EXCIDI I

plex semper in illo populo fuit, in multas sectas, variasq; hæreses distractio. Cum enim primis temporibus gens illa vno animorum & voluntatum sensu & consensu Deum coluisset, legemq; eius & Prophetas interpretaretur, vno item nomine Israelis populiq; Dei appellabatur. Posterioribus temporibus ocio & rerum omnium copia, veterisq; disciplinæ remissione deprauati, curiosius minusq; sanctè & sobriè arcana legis tractare cœperunt: inde in varias sectas, variaq; Schismata discessu est noua quædam nomina legi, maioribusq; eorum incognita usurpari capta: dum se alij Sadducæos, alij Scribas, alij PHARISÆos, alij Hæremobaptistas, alij Nazareos, alij Ossænos, alij Harodianos, alij Esæos dici volunt: quæ nomina tumprimùm inuecta sunt, vbi ipsa Respub. & ciuitas ad certum exitium & calamitatem propendere cœpit. Ex quibus sectarum partibus quidam totam legem, omniaq; ea quæ à prophetis erant prædicta amplexi sūt, vt Pharisei, quidam arbitrato suo, alios quidem libros quos sequerentur laudabāt: alios prout illorum sensui, voluntati, vtilitatiq; applaudebant, tanquā prophanos minusq; germanos reſciebant, vt Sadducæi. Quidam Deum omnium bonorum fontem & auctorem esse prædicabant, ab eiusq; munifica prouidentia cælum & vniuersam naturam complectentem, omnia expectanda esse docebant. Animas nostras diuinas & immortales esse, quibus pro virtutis studio cælestis hæreditas, pro scelere aut æternū paratū sit supplicium,

Phariseorum & Elſæorum fuit hoc iudicium. Quidam casu & temeritate omnia feri, post hanc vitam nullam aliam superesse lucem arbitrabatur, iſdem finibus virtutis & pietatis præmiū, quibus vitam & sensum terminari, ultra tumulum extremosq; cineres, nihil hominis superesse: præmia bonorū, pœnas autem malorum esse nullas. Sadduceorū hic stultus & exitiosus error fuit. Alij solis diuinis promissis contenti, nihil his externum admiscebāt. Alij præter hæc Græcorū fabulis, de beatorū Insulis ac Hesperidum felicitate assentiebantur. Sic in varias sectas hæresesq; diuisi, quisq; in eam partē in quā sibi utile esse existimauit, sensum & mentem legis trahebat, ex vnaq; vera & simplici religione, multas vanas falsasq; superstitiones pepererunt. Habent autem hoc malum Hæreses atq; Schismata, varijq; de Deo sensus: vt quascunq; Respublicas semel inuaserint, ille salutem & incolumitatem suam nullo modo diutius tueri, aut conseruare possint. Hicq; fuit primus illius ciuitatis ruinæ impulsus, hæc prima inclinatio, & quos tempore Hyeroboam, aliorumq; Regum, qui à vero discesserūt Deo excelsa, & luci falsorum Deorum non perdiderūt, hos Hæreses & Schismata ad vltimā interuentionem deduxerunt. Testatur hoc ita esse, vetustissimus scriptor Hegesippus. Præter, inquit, sectarum & cultus diuersitatem, quæ in malum publicum eruperat, vt è diuerso se perditos vellent, auaritia habendi & rapiendi cupido

DE CAUSIS SUPREMI EXCIDIJ

animos inuaserat, vt nullius quem predæ studio depu-
tassent, neci parcendum existimarent.

G Fuit secunda illa tantæ ruinæ non minor causa
summa illius populi arrogantia, maximus fastus cum
incredibili quadam pertinacia, animiq; ingratitude cõ-
iuncta. Qua primum ipsum Deum, sanctissimasq; illius
leges despexerunt, vt illud planè sublato superbè in cœlũ
ore dicerent, Manus nostræ excelsæ, & non dominus fe-
cit hæc omnia: lingua nostra à nobis est, & quis noster
est dominus. Nusquam ius, nusquam religio fuit: no-
biliores erat qui plura diripuerat, quasi præmia conge-
rens fortitudinis, vt scribit Hegesippus. Deinde pro-
phetis eius, signisq; ac portentis euidentissimis, quæ il-
lorum certissimum denuntiabant, ac vix non digito de-
monstrabant præsens exitium, nullam fidem adhibue-
runt. Omne inquit, Iosephus, ab illis ius humanum cal-
cabatur. Ridebatur etiam diuinitas prophetarum re-
sponsis, tanquam vulgaribus fabulis illudebant:
certis verò prodigijs & futuram solitudinem denunti-
antibus, neq; attēdebant animo, neq; credebant: sed ve-
luti attoniti, nec aut oculos habentes, aut animos. Edi-
cta Dei dissimulare, signorum quædam pro sua libidine
interpretati sunt, alia contempserunt, donec patriæ exci-
dio suaq; perniciæ eorum iniquitas cõfutata est, hæc ille.
Hinc eorum superbia profecta finem inuenit nullum,
Sacerdotes, Reges, Duces, aliosq; domesticos magistra-
tus,

tus, ipsumq; adeò Regem Messiam contumeliolè spre-
uerunt: pro Rege Cæsarem, fatali & impia voce apud
Pilatum appellantes. Sed neq; hunc diu patienter per-
tulerunt, nam qui suos perferre non poterant, tanto mi-
nus alienos. Licentia enim non id querit, vt is aut ille
præsit & imperet: sed vt nemo omnino sit quem metu-
at, quicquid eius effrenatæ cupiditatis habenas imponat:
quæ dum palam dicere erubescit, semper in eo magistra-
tu qui præses est aliquid desiderat: spreuerunt ergo suos,
spreuerunt & Romanos, quibus se spontè dederant
magistratus. Simon primus seditionis dux & auctor,
tributum Cæsari reddendum negauit, indignum esse cla-
mitans, populum Dei infidelis populi tributarium esse,
iniquum gentem, liberam, quæ seruiuit nunquam, sum-
ptu simul templi & fisci exhauriri. Sequutus est hunc
vir præcipitis audaciz Eleazarus, militiæ dux, hic nulli
us externi munus aut hostiam in templo Dei accepta-
dum aut offerendū esse populo persuasit. Id autem erat,
inquit Iosephus, Romani belli primum seminarium &
prima origo. Reiecit si quidem eas hostias Cæsaris, quæ
pro salute fortunaq; populi Romani offerri solitæ erāt,
Pontificibus, alijsq; Principibus Reipub: reclamanti-
bus, ac ne vetustissimus honorificentissimusq; & tem-
plo & vrbi mos pro Regibus supplicandi intermittere-
tur, nequicquam postulanti-
bus. Quam insignem con-
tumeliam, dum Romanus perferre nō potest, arma bel-
lumq;

Ioseph
lib: 24
cap: 74
de bello

Ibidem
cap: 174

DE CAUSIS SUPREMI EXCIDII

lumq; sumpsit, pacem ergo fastu & superbia elati violauerunt virtute non pares.

¶ Tertius gradus funestæ calamitatis fuit, summa Principum templi pariter ac Reipub. ambitio, & domnandi cupido, eiusq; causa ad externos Principes eosq; infideles cum turpi assentatione coniunctus recessus, Quod à Sacerdotibus qui plerunq; pro eo, quod omnis moderationis, continentia, mansuetudinis auctores esse deberent: omnis improbitatis, sceleris, cupiditatis Duces & Principes fiunt, initium & exemplum sumpsit. Primus Simon de tribu Benjamin Seleuco Asiæ Regi potentia suæ firmandæ causa, summique Sacerdotij consequendi, thesauros depositumq; templi prodidit. Quam rem sic narrat secundus Machabæorum liber. Cum sancta ciuitas habitaretur in omni pace, leges autem adhuc optimè custodirentur, propter Oniæ Pontificis dispositionem & pietatem, & animos odio habentes mala; fiebat vt & ipsi Reges & Principes locum summo honore dignum ducerent, & templum maximis muneribus illustrarent; ita vt Seleucus Asiæ Rex de redditibus suis præstaret omnes sumptus ad ministerium sacrificiorum pertinentes. Simon autem de tribu Benjamin præpositus templi constitutus, contendebat obliuiscere sibi Principe Sacerdotum, iniquum aliquid in ciuitate moliri. Sed cum vincere Oniam non posset, venit ad Apollonium Thraseæ filium, qui illo tempore erat

Machab.
lib: 2. ca.
3.

HIEROSOLYMITANI.

erat Dux Coeleſyriæ & Phœnices, & nūtiavit ei pecunijs
 innumerabilibus plenū eſſe ærariū Hieroſolymis, & cō-
 munes copias immenſas eſſe, quæ nō pertinet ad ratio-
 nem ſacrificiorum, eſſe autē poſſibile ſub poteſtate Re-
 gis cadere vniuerſa &c. Deinde Iazon frater Oniæ, ſū-
 mum Sacerdotium maxima vi auri apud Antiochum
 redemit. Quod idem Machabæorū liber ſic docet. Sed *ibidem*
 poſt Seleuci vitæ exceſſū, cum ſuſcepſiſſet Regnū Anti- *Cap: 4.*
 ochus, qui nobilis appellabatur, ambiebat Iazon frater
 Oniæ ſūmum Sacerdotium, adito Rege, promittens ei
 argenti talenta trecenta ſexaginta, & ex redditibus alijs
 talenta octoginta. Super hoc promittebat & alia cen-
 tum quinquaginta, ſi poteſtati eius conderetur gymnaſ-
 ſium & ephebiæ ſibi conſtituere, & eos qui in Hieroſo-
 lymis erant Antiochenos ſcribere. Quod cum Rex an-
 nuſſet & obtinuſſet Principatū, ſtatim ad gentilem ri-
 tum cōtribules ſuos transfere cœpit. Erat autem hoc
 nō initium, ſed incrementū quoddā & proſectus genti-
 lis & alienigenæ cōuerſationis, propter impij, & nō ſacer-
 dotis Iazonis nefariū & inauditum ſcelus: ita vt Sacer-
 dotes iam non circa altaris officia dediri eſſent, ſed con-
 tempto templo & ſacrificijs neglectis feſtinarent parti-
 cipes fieri paleſtræ, & præbitionis eius iniuſte, & in exer-
 citijs diſci: & patrios quidem honores nihil habentes,
 Græcas glorias optimas arbitrabantur. Haſtenus ſcri-
 ptura. Quæ de re in eum modū Joſephus apud Hege-
 ſippum

DE CAUSIS SUPREMI EXCIDIJ

Heges:
lib. 5. cap
16.

Ibidem
libro 4.
cap: 6.

sippum latius cōquaritur. At verò nostri dum Sacerdotium inter se competunt, & apud Parthos ambiunt cōferri sibi memoratum honorē, de religione mercaturam fecerunt. Quid de Babyloñs querimus? Nostros experti sumus deteriores! Illi nobis reddiderunt omne ius religionis, illi Sacerdotū creationem restituerūt, Illi Sacerdotes Infulas permiserunt nostræ potestati, nos eas Barbaris spontè tradidimus. Minor est circa nos ira Dei, quam nostra contentio. Hinc eò processum est, ut ignobiles atq; indigni substituerētur Sacerdotum Principes, qui cōtra meritū suum adepti Sacerdotia, ad omne nefas conferentium arbitrio subyciebantur. Eamq; ob causam æquo Deoq; digno iudicio Hierusalem una cum Sacris & Sacerdotio suo, cuius impios mercatus exercuit, non multò post in Antiochi peruenit potestatem, Exciperunt à Sacerdotibus parem ambitionem, paresq; ambitionis artes, reipub: Principes, Aristobulus & Hyrcanus fratres, qui cū inter se de Regno conuenire non possent, Romanos à quibus ignorari satius fuit ad cognitionem & arbitrium Regni inuitarunt, rogaueruntq; amicitiam fidem non seruaturi. Ad Pompeium igitur cum Imperio tum Asiam tenentem primo confugiunt, ab eoq; paternū Regnum ambitiosè petunt. Recipitur in urbem exercitus Romanus, suisq; manibus aperiunt portas: non multò post vrbs & templi expugnatoribus, Ad templi irruptionē ipsi fossas replebant, impioq;

IEROSOLYMITANI

impioꝝ ministerio & turpi obsequio seruierunt, manus eorum in cophino, mentes in sacrilegio. Horum igitur contentio, inquit Iosephus. Pompeium intulit ciuitati, & Romanis Iudeos indignos libertate subiecit: sic sponte ambitio ciuilis externo detulit imperium, & suscipit Romanū iugum. Consecuta fuit & alia magis exitiosa inter Alexandrum, Aristobulum, & Antipatrum Herodis filios Regni contentio: quorum illi priores duo ex Ariamne Regio sanguine orta, Rege Herode nati: posterior hic ex Dosidæ priuata muliere ipso Herode priuato genitus: illi genere, hic gratia patris elati, cōmunis & sibi & patri, & alijs multis Reipub. deniqꝫ ipsi causa fuerunt exitij. Quis Romanos in Iudæam introduxit? inquit Iosephus, nisi Hyrcani & Aristobuli contentio. Quis Sosium? nisi Herodes. quis Antonium? nisi Sosius. quis Cæsarem implorauit sibi Regem? nisi vos. quis præter vos Antipatrum Regno expulit & libertatem in Antipatro. Sic dum vtrinqꝫ Regnum quæritur, vtrinqꝫ seruitus accersitur & accipitur. Fœda res est ambitio, quæ vt suis imperet alicuius seruire non erubescit, omnia deinceps à Romanis quærebantur & petebantur.

¶ Eam ambitionem sequutus est quartus ille exitiosissimus ruinae gradus. Factiones ciuiles domesticique tumultus, qui specie quidem dignitatis & libertatis tuenda causa suscipiebantur, re ipsa autem regnum & dominationē quorundam astruebant. Dum enim quisqꝫ in

DE CAUSIS SUPREMI EXCIDII

Repub : primus esse vult , eaq; res opibus & admi-
 niculis hominum opus habeat, ad demulcendum popu-
 lum se confert: sed cum singulorum opes, ad omnium
 consiliandos animos sint parvæ species libertatis, qua
 nihil gratius hominibus videri solet, stultæ obijcitur ple-
 bi, sub eiusq; patrocínio factionû firmantur partes. Sic
 tum in duas cõtrarias dissensionû partes divisa fuit Res-
 pub, alteram popularem: Optimatum alteram. Popu-
 laris factionis Duces fuerunt , Eleazarus, Simon, Io-
 annes , aliq; eius generis , lingua & manu prompti iu-
 uenes. Qui cum sua captandæ popularis gratiæ causa
 per luxuriã dissipassent bona, maximo ære alieno pressi,
 perturbationem negotiorum Reipub, lucrum suum esse
 se putabant: qua salva ipsi salvi esse non poterant. Pu-
 blicæ igitur libertatis causam, contra vim & potentiam
 populi Romani, cui neq; tributa reddenda , neq; vota
 pro illius salute suscipienda esse censebant, se suscepisse
 profitebantur: indeq; Græco nomine Zelothæ tanquam
 legis ac libertatis publicæ vindices & assertores appel-
 labantur. Optimatum Duces Ananus Pontifex, vir præ-
 stantissimus, Iosephusq; , qui postea totam illius vrbis
 cladem & excidium conscripsit fuerunt. Qui cum facile
 animaduertissent , seram illam tuendæ libertatis delibera-
 rationem esse, nec tum primum Romanis viribus ac
 potestati resistendum fuisse, cû iam intra muros ipsiusq;
 vrbis viscera versarentur: sed multò ante rebus integris,
 tum

tum cum sponte per nimiam ambitionem accersebantur, illi malo obsisti debuisse. Suadebāt igitur populo, vt DEI voluntati ac iustissimæ vindictæ, ipsiq; adeo necessitati cederent, hæcq; fuit quasi prima in aciem ciuitatis illius deductio. Duo sunt omnibus Rebuspub. si diu saluæ & incolumes permanere volunt, omni studio & diligentia prouidenda. Primum, libertas omnibus rebus humanis anteponenda, pro illiusq; incolumitate & integritate totis viribus & opibus dimicandum. Est enim libertas, pulcherrimum quoddam & humanæ naturæ accommodatissimum bonum: sine qua nihil cuiusquam iucundum, nihil dulce esse potest: sine qua vita ipsa parum vitalis esse videtur. Deinde nulli æquè fu-
 giendi quàm illi, qui eius libertatis vindices & assertores nimis videri volunt. Tales enim sub ea libertatis specie Respub. ferè omnes perdiderunt. Sic Pericles Atheniensium ciuitatem, quæ cum Solonis legibus & institutis, ex Optimatum populiq; administratione temperata fuisset, assentator populi factus Senatus, auctoritate diminuta totam popularem fecit. cui dum ipse homo acer, & prudens præfuisset, florebat vtcunq; illius prudentia ciuitas: at vbi ad alios Duces, ipsumq; populum eius gubernatio delata est, funditus interijt. Sic Cæsar & Pompeius Romanum subuerrere imperium, dominationem enim vtriq; quæsitam fuisse, non id actum. Beata, libera, & honesta ciuitas vt esset, ac vtrūq;

DE CAUSIS SUPREMI EXCIDII

regnare voluisse docet prudentissimus Senator. Sic Hierosolymam isti eius libertatis & dignitatis nimis asseriores, de quibus diximus hac ratione qua dictum est perdiderunt. Multis enim dum libertas quaeritur, servitutem accersiri dicebat Agrippa. Libertatis igitur custos lex sit, quæ sumis ac infimis æqua reddat & perscribat iura, æquitate constituendi, summa cum infimis pari iure retineantur. Male paucis tantus committitur thesaurus.

¶ Ex hoc quarto illud quintum & ultimum consecutum erat malum, externus in urbem inductus miles. Cum enim homines populares Optimatibus pares esse non potuissent, Idumæos accersunt genus hominum turbarum avidum, ad omnesque motus facile suspensum, & rerum mutationibus lætum, quod veluti ad festorum quandam solennitatem, sic ad prælia properabat. Immittuntur in urbem ad viginti millia hominum egentissimorum, quam ingressi nulli pepercere: tum quod natura ad coedes propenderent, tum quod Hyeme graviter afficiebantur, tam supplicantibus quam repugnantibus insensui, nullus autem fugiendi locus, neque spei salutis erat, ita octo millia & quingentos mortuos dies inuenit. Demum quæ mala consecuta non sunt. Nolite putare vllum monstrum, vllam pestem, vllam labem Rebus publicæ nocentiorē esse, quam sunt factiones ipse, ubi in apertum erumpunt tumultum. Quid tum mali quasi erecto

HIEROSOLYMITANI.

erecto licentiæ vexillo non cōsequitur? legibus, iudicijs,
Reipublicæq; institutis, iureq; vniuerso sublato ac quas
si publica sententia in vitam & fortunas omnium ho-
minum impunè violandas perlata. Nihil tum fit cui-
quam proprium, non domus, non vxor, non liberi, non
vita deniq; ipsa. Et quæ quondam fuerunt vitæ solatia,
in causas doloris & acerbitalis vertuntur. Non agri
conferuntur, non pascua curantur, non vineæ aut horti
excoluntur, non mercimonia exercentur, non nauiga-
tiones instituuntur, officinæ clauduntur, litteræ &
studia conticescunt, nulla publica aut priuata ædificiâ
surgunt, sed vastitas & tristis desolatio occupat omnia.
Ab audacissimis & egentissimis hominibus carceres ef-
fringuntur, tabulæ publicæ exuruntur, domus potentum
& diuitum liberè distrahuntur, horti & vineæ succidun-
tur, templa porticus aliæq; publica ornamenta demoli-
untur, nihil tum improbæ cupiditati fit satis. Coniuges
liberi ante ora vultusq; parentum turpiter diuexantur,
nulli ætati, nulli parcitur sexui, nihil ab hoste irato impe-
tratur. Desolationē agrorū ac dissipationem horreorū,
consequitur fames, famem dira pestis. Tulit hæc omnia
priusquā perijt domestico tumultu vexata Hierosoly-
ma. Nam in seditione quasi seditio facta est, alia pars
in aliam versa, homines populares qui templum occu-
parant, dum se mutuò perferre non possunt in seipsos
vertuntur. Occupat Eleazarus cū suis superiorem tem-
pli par-

DE CAUSIS SUPREMI EXCIDII.

pli partem. Ioannes inferiorem, Simon eam vrbis, quæ templo subiacebat occupauerat regionem: ita lædebant pariter ac lædebantur, dum à superioribus inferiores oppugnantur, medijs ab vtrisque. Sic illa pietatis & religionis sanctissima sedes, facta fuit tumultus & seditio- nis area. Ab alia Optimatum factione impetus in tem- plum fiebat, vineæ ac reliquæ munitiones, quæ pro tem- plo extrui debebant, contra templum erigebantur. Ante aras ipsas Sacerdotes senes, pueri ac nobilissimæ scemis ne cederentur: vt vnde spes salutis referri debebat, inde certissimus reportabatur interitus, multi qui prope- rantes ab vltimis finibus terræ, ad Sanctissimū locum Religionis causa venerant, ante ipsas hostias occubue- runt, aramq; vniuersis Græcis & Barbaris admirandam suo sanguine imbuerunt, Sacerdotes inter eas quas ma- ctabant victimas immolabantur. Ciuib; mortuis ad- uent, Sacerdotibus prophani miscebantur, perq; atria diuina stagnum fecerat diuersorum cadauerū sanguis. Sic dies in sanguine noctes in formidine transigebantur. Fames fuit maxima lacertis viridibus, inquit Hegesipe- pus, cæterisque serpentū generibus coctis exuuis, pestem addebant: paruos liberos macie consumi, & aperta ora frustra extendere videbant, exhausti famæ & tæbe luris- di, nec oculos quidem attollere poterat: figura sola ho- minis remanserat, vltus interciderat: simulachra hominū cerneret, officia desideraret, mutis tantum sensibus aspi- ciebant

Hegesip:
lib:
5. ca: 22,

Ibidem
cap: 18,

Ibidem
cap. 21.

M I E R O S O L Y M I T A N I .

ciebant templum, In Romana castra confugientibus, *Hegesippus: libro 5. cap: 24.*
 ubi cibus datus est coepit oneri esse, desuetis edendi of-
 ficijs, si quid sorbuissent mollioris alimonix, interclusis
 iam fauciu meatibus, strangulabantur. *O*briguerunt in-
 teriora visceru, obstructi erant ductus ciborum. Arue-
 runt iecoris venx, qux cibos attrahunt, virtus defecerat
 cibi appetitu manere. Ruebant super cibos & inualidos
 morsus, more infantium molleiebantur, visis alimentis i-
 pso gaudio deficiebant. Matres liberis nefario facinore
 pastx, aperto ore sicut auidi canes auram captabant,
 huc atq; illuc circumlati inopia duce. haftenus *Heges-*
sippus. Sic iniusta Iesu Christi sitis, quam isti felle &
 absintio exacerbarunt potius quam extinxerunt, iustis-
 sima extremx famis poena vindicata est. Ex fame pestis
 orta. In templo ipso persequitur rem narrando *Heges-*
sippus, pro vnguents bene olentibus, pro incensibus be-
 ne spirantibus, pro diuersorum florum odoribus, grauis
 erat insepulorum cadauerum foetor, quos pluuia dis-
 soluerat, quos flamma combusserat, quos sol calefecer-
 rat, omnes artus castrorum ciuium diro odore foetebant:
 hinc resolutorum putredo viscerum, inde exultorum ni-
 dor, sensus omnes atq; ora complebant viuientium, vt i-
 pli non multo post grauiore morbo consumerentur, ac
 se superstites ingemiscerent, quo duriore poena perirent,
 coq; seruatos vt viderent cum patria simul solui etiam
 leges naturx, negari ius viuentibus, pacem ciuibus, le-
 pulturam

pulcrum defunctis, humana pariter atq. diuina macu-
 lari ac pollui, permixta omnia, criminolam esse miseri-
 cordiam, religionis loco haberi crudelitatem. Castrum
 in templo, bellum in limine, fumus in altaribus. Mathas
 us miserabilis & senex & sacerdos, ictum carnificis su-
 per colla pignorū ipsis primo in oculis suis cæcis exce-
 pit, quò spectaculo nihil funestius, nihil calamitosius
 extitit. Iacebāt tum in medio foro duorum Sūmorum
 Pontificum, inquit Iosephus, Principum Reipub. annati
 & Iesu, paulò ante sacris indumentis toto orbe celebra-
 rimè religionis amicta, nuda corpora sine sepultura, cas-
 nibus & feris proiecti esca. Illudq. Dauidicum testatur
 esse completū. Posuerunt morticina seruorum tuorum,
 escas volatilibus coeli, carnes Sanctorum tuorū bestijs
 terræ, effunderunt sanguinem ipsorum, tanquam aquā
 in circuitu Hierusalem, & non erat qui sepeliret. Rues-
 bant ambusta mollium, deuoluebantur sublimium æ-
 dificiorum culmina, sanguine, fame, peste, incendio, rui-
 na tota vrbs consumpta perijt. Tam durum & amarū
 est, incidere in manus Dei viuentis & vlciscentis. Tum
 senes ac mulierculæ intestinis malis attonitæ, pro Ro-
 manis vota faciebant, externumq. bellum quo domestic-
 is malis liberarentur expetebant. Exclamat Iosephus.
 Quid tandem passa es o miserrima ciuitas à Romanis?
 qui tua intestina scelera purgatori flammis introiere.
 Iam enim Dei locus non eras, neq. permanere poteras
 domestic

*Hege: lib:
5. cap. 12.*

*Iosephus
lib 4. cap.
2. de bel.*

Psal: 78.

*Ad Hebr.
10.*

HIEROSOLYMITANÆ

domesticorum funerū facta sepulchrum, præsertim tu- Heg: lib 5: cap: 2.

30

orum, quos ipsa occideras, non quos ab hoste amiseras. His igitur quasi gradibus à salute ad tam crudelem interitum discesum est: ut neq; antiquitas vr̄bis, neq; ingentes diuitiæ, neq; per totum orbem diffusa fama, nec magna religionis gloria quicquam iuuerit, quò minus periret: sed, nec nobilitas, nec præclara gesta Patrum; nec mirum, si Patrum amiserunt merita, quorum fide, pietate, virtute prodita, desideria item & expectationē venturæ salutis prodiderunt. Facta est igitur ciuitas in tumultum, vr̄bs fortis in ruinam & desolationem. Neque verò, aut viribus & exercitibus, aut Imperatoribus Romanis celsit, sed sua illam malicia suæ perdiderunt factiones. Fatebatur hoc ipse Romanus Imperator Titus, indignitate ab ipsis succensi templi sacratissimi permotus. Cur inquit templum & externi & gentilis sanguinis effusione polluistis? Testor ego Patrios Deos: & si quis vnquam hanc vr̄bem aspexit, nunc enim neminē credo: iterumq; testor exercitum meum, & vos ipsos, quod non ego hæc vos violare compellam, seruabo aut vobis templum etiam nolentibus. Compellat demum Ioannem seditionis autorē pertinacissimum. Fide mea salua hæc omnia tibi futura spondeo, veniam tibi salutis polliceor, non pro mercede sceleris, sed pro redēptione vr̄bis, ut à te redimam periturorum culminum statum. Desinas moneo latrocinis tuis conturbare propositum

ib. dē cap:

31.

H ñ

positum

*Idem ea
pue 34.*

positum pietatis Romanæ. Quid sibi volunt Ioannes
 impressi illi ante fores templi apices elementorū? Non
 ne significant neminem, nisi sacrarum debere templo
 appropinquare? Quid illa septa pro templo? Nonne
 ut conspectus arceant vniuersorum liberos, solisq; my-
 sticis pateat secretorum cognitio: atq; his sit liber a pec-
 ctus, quibus est legitimus ingressus? Prospectus exclu-
 ditis peregrinorum & accelsus cogitis. Scribitis, ut nul-
 lus ingrediatur aduena, nullus peregrinus introeat, &
 peregrinum sanguinem intra templum funditis, aduer-
 narumq; simul & ciuium cruore vestra altaria cūmus
 latis. Testificor ego non impressionis nostræ esse, sed
 vestræ præuaricationis, quod violatis quæ vestra sunt.
 Ego alienus non exigo, modo obtestor si velitis discedere,
 incolume templum futurū; neminem Romanorum hos-
 tiles irrogaturū manus, nihil de vestris temerandū esse
 sacrificijs. Seruabo templum vobis & profelytis: cultus
 enim sacrorum diuersus, sed operis cōmunis vltus. Quod
 cultus fuit, à vobis recessit: quod operis est, victoribus
 remansit. Seruiuimus vobis, vt vestris legibus viuere-
 tis: dedimus potestatem vestris inseruire cultibus. Sas-
 cra vestra scire nolimus, sed honorauimus. Postea res
 bellandum putastis. Pompeius templum cœpit, sed nō
 diruit: urbem occupauit, sed integra omnia reseruauit
 donaria. Pro quibus o grati socj, hanc vicem nobis re-
 pendistis, vt tercio rebellaretis. Veni ad bellum specie
 terrene

terrentis, affectu rogantis. Quoties à mœnibus vestris
 vocavi exercitum? Quoties postea à penetralibus tem-
 pli retraxi? Quoties restrinxi incēdias? Quoties monui?
 Sed nunquam audistis. Sic demum ultimo obtestatus
 est Israheliticum Deum, vbi funestum matris facinus,
 quæ tum impiè & inhumaniter filium suum vltima fa-
 me pressa deuorarat, cognouerat. Mundus ego ab ^{Hegeff:}
 hoc contagio, tibi me absoluo, quæcunq; in cælo pote- ^{lib: 5. cap:}
 stas es: scis, scis profectò, quia intimo affectu pacem ^{41.}
 frequenter obtuli, & quod non pudet dicere, victor ro-
 gaui: quia parcere etiam ipsis tantorum flagitiorū pro-
 digiorumq; autoribus volui, parcere populo, urbem ser-
 uare: sed quid facerem repugnantibus: sed quid face-
 rem aduersus suos furentibus? positis plerunq; armis,
 quia illi à suorum cadibus non desinebant, in bellum
 reuertì, vt liberarem obsessos, non perderem: ipsi nos
 de muris hortati sæpè sunt dimicare, ne grauius à suis
 perirent. Quales sunt ciues, quibus hostis remedio est.
 His ex causis igitur tanta perijt ciuitas. Gens electa,
 Regale Sacerdotiū, ciuitas referta populis, clara Regi-
 bus, amica Deo gratiæ sedes, vrbs quæ solebat sine armis ^{ib. dem lla}
 vincere, populus, cui sol stetit, mare & Iordanis celsit: ^{5. cap: 22.}
 quod enim remedium, quæ ratio salutis, vbi autor vitæ
 & incolumitatis non reconciliatur. Omnibus autem
 Regnis ac Rebus pub. specimen & exemplum datum,
 quid sequi, quid declinare debeant, si diu felices & incol-

DE CAUSIS SUPREMI EXCIDII.

lumes permanere velint. Tibiq; inprimis Patria mea,
hodierno die speculum propositum est, in quo diligens
ter vultum faciemq; intuearis tuam: num limilibus ac
ut Hæresum, aut arrogantia, aut ambitionis, aut factis
onum inquinata sis maculis: quæ si absunt, Deo soli id
acceptum referas: si autem à planta pedis, vsq; ad ver-
ticem capitis, sanitas in te non est: exerge maculas, ab-
lue sordes tuas, priusquam sententiam iudicis audias.
Venient in te dies, quando proijcient te inimici tui in
terram, & filios tuos, & non relinquetur in te lapis super
lapidem, eò quod non cognoueris tempus visitationis
tuæ. Neq; enim melior conditio esse potest sylvestris ol-
leatri præ germana oliua. Nec serius adoptatæ filia
psal: 137. præ illa vrbe cui dictum est. Hæc requies mea in sæculū
sæculi, hic habitabo quonia in elegi eam. Verum dices
fortasse, Iesum Christum auro non vendidi: at causam
religionis eius aras & templa, at ius & æquum, vel præ-
tio, vel gratia sapius prodidisti. In horto captum non
ligauī, at manus omnipotentia eius multoties ligasti:
cum omnipotentem diuinitatem eius, non plus posse
quam angustus sensus aut mens tua capit: stultè ius
dicas, nec plus illi fidei habes, nisi quantum vis & intel-
ligis. Faciem eius non conspui, colaphis non cecidi, ter-
gum virgis non percussi: at vnicam sponsam eius Ec-
clesiam, tot calumnijs, tot maledictis dilacerasti: at ma-
trem eius Virginem Sanctam impudica dicacitate tor-
ties

HIEROSOLYMITANI.

32

ties Inſiſti: at faciem æternæ diuinitatis eius, quod longè maius eſt, tot nefandis blaſphemijs violaſti, coronâ ſpineam capiti eius non impoſui: at diuinitatis coronâ ex capite eius nefariè detraxiſti. In crucem Saluatorè mundi non ſuſtuli, at ex folio dexteræ Patris impiè & ſceleratè detrudere conata es. Regem meum non occidi, vt hominem non occidiſti: vt autem verum Deum, quantum in te eſt, Arriana perfidia, quæ in te ſedem poſuit ſuam extinguere molliris, dum eum in æternitate natum & viuentem non agnoſcis. Vtinam igitur & tu cognoſcas diem viſitationis tuæ, priuſquam hæc omnia mala veniant in te, quæ tu ipſa manibus tuis attrahere, illiſq; viam latiffimam ſternere videris. Ego quidem pro meo officio quod debui dixi: tu autem vide quid tibi faciendum ſit, antequam præueniat te dies Domini magnus, & terribilis valde, dies tenebrarum & caliginis, dies nubis & turbinis & quis ſuſtinebit eum? Hieruſalem Hieruſalem conuertere ad dominum Deum tuum. A M E N.

IMPRESSVM.

In officina Nicolai Scharffenbergij, Typographi Sac.
Regiæ Maieſtatis, M, D, LXXVIII.

[Faint, mostly illegible text, likely bleed-through from the reverse side of the page.]

AMEN

IMPR. 22
BIBLIOTHECA
MUSEI
XXVIII





